

# Alkitab Sagan Kakanakan Mengenal akan

Yeremia,  
Laki-laki yang  
Menangis



Panulis: Edward Hughes

Nang manggambar: Jonathan Hay  
Alastair Paterson

Nang manyusun: Mary-Anne S.

Nang mangartikan: Lega Pitanatal Amiani;  
Nadya Cristine Armelia br. Tumorang

Nang mamproduksi: Bible for Children  
[www.M1914.org](http://www.M1914.org)

©2023 Bible for Children, Inc.


Ijin: Pian beisi hak sagan menciplak atawa mancetak kisah ni,  
sapanjang kada hagan di juali lagi.



Yeremia talahir di sabuah rumah religious di karajaan Yehuda. Abahnya, Hilkia adalah saurang Imam. Kaluarganya tinggal di sabuah kuta nang bangaran Anatot, kada jauh matan Yerusalem. Luku urangtuha Yeremia mangira pada inya jua pacangan manjadi saurang iman. Tapi Allah bakahandak lain.



Rahat Yeremia lahir, umat Allah kada hidup kaya nang Allah Firmanakan. Parak sabarataan urang, matan raja sampai gawian nang randah hati, manyambah allah palsu bahkan di dalam Bait Suci Allah saurang.






Pas Yeremia sudah ganal, Allah bafirman ka inya. "Aku tahu ikam mulai ikam balum lahir," Allah mamadahi Yeremia, "lawan Aku handak ikam bapandir lawan aku."



Kiauan Tuhan ngintu kaya maulah Yeremia takut. "Ah, Tuhan Allahku!" inya manangis. "Aku kada kawa bapandir, aku masih kanakan." Inya labih dari kanakan- inya sudah baumur dua puluh tahun. Tapi

inya kada bapikir pada inya pacangan bapandir hagan Allah malawan sabarataan kajahatan di sakalilingnya.



"Jangan takut," Allah mayakinkan  
Yeremia. "Tulaklah kamanapun aku  
mangirim ikam. Padahal  
napa haja nang  
aku ucapakan.  
Aku lawan  
ikam lawan

aku  
manyartai  
ikam." Imbah  
ngintu Allah  
malakuakan sesuatu  
nang manakjubakan.  
Inya manjapai  
muntung Yeremia.



Allah mambari Yeremia kakuatan, kabaranian lawan kabijaksanaan. Inya bapandir lawan patani, mangingatkan urang banyak pada Allah mangasihi buhannya lawan handak manulung buhannya. Tapi kada saurangpun nang mandangarakannya, tamasuk sang raja.





Buhan imam sarik banar lawan bapandir ka inya hagan  
ampih bapandir tantang Allah. Ada jua nabi palsu  
nang bapadah pada Yeremia kada bapandir nang  
sabujurnya.



Yeremia mamparingati urang ngintu, sakitar saratus tahun nang lalu, karajaan Israel utara sudah maninggalakan Allah. Musuh-musuh buhannya, urang Asyur, manaklukakan buhannya lawan mamindahi sabarataan urang Israel ka nagari-nagari nang jauh banar.





Damini urang-urang  
Yehuda, karajaan  
selatan sudah  
maninggalakan Tuhan.  
Tantara musuh sudah  
di jalan! Akankah  
Tuhan mangijnakan  
umat-Nya dikalahakan  
lawan dibawa ka  
pangasingan jua?



Urang-urang mamparcayai diwa buhannya.  
Apakah diwa kawa manyalamati buhannya  
matan musuh? Kada! Allah haja nang  
mampu manyalamati buhannya. Tapi  
Allah malindungi hamba-Nya.



Akhirnya, Allah baucap  
sasuatu nang mangajutakan  
Yeremia. Allah baucap,  
"Jangan badua hagan  
urang-urang ngini. Aku  
kada pacangan  
mandangarakan buhannya  
rahat buhannya datang  
manangis hagan maminta."



Yeremia mamparigati raja pada inya pacangan kalah dalam paparangan lawan tantara Babel. Raja sarik banar lawan membawa Yeremia masuk ka panjara. Biar dalam panjara, Yeremia tatap bakhutbah lawan mamparcayai Allah.




Imbah inya kaluar  
matan panjara,  
Yeremia babulik  
bakhutbah ka raja  
lawan urang-urang  
pada buhannya  
harus babulik  
lawan parcaya  
ka Allah.

Kali ngini raja mambawa  
Yeremia masuk ka dalam  
panjara bawah tanah  
nang dalam banar.



Tapi Allah rahat bakarja di hati raja. Diam-diam Allah manyalamati Yeremia lawan batakun ka inya napa nang Allah handaki hagan raja gawi. "Tulaklah ka panangkaran, lawan Allah baucap ikam pacangan hidup," ngintulah jawabannya.





Tantara Babel mangalahakan Yerusalem lawan sabarataan urang Yehuda. Buhannya maruntuhakan dinding, sabarataan bangunan lawan mambakarnya. Allah baucap pada buhannya pacangan tulak ka pangasingan salawas tujuh puluh

tahun,  
lawan Inya pacangan mambawa buhannya ka tanah parjanjian.



# Yeremia, Laki-laki yang Menangis

Sabuting kisah matan Firman Tuhan, Alkitab

Taulih dalam

Yeremia

"Amun tabuka, firman-firmanPian mambari pamahaman." Mazmur 119:130



Tuntung



Kisah Alkitab ni memadah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan  
satiap hari! Yohanes 3:19

